

Inatsisartut suleriaasianni § 37 naapertorlugu matumuuna Naalakkersuisunut imaattunik apeqquteqaatinik saqqummiussivunga:

Apeqqutit:

- 1. Naqinnernik ilisarinnissinnaangitsut nalunaarsorneqarneq ajorput, ilinniaqqiffinnut ingerlaqqittarneri ilisimaneqanngillat, atuartitaanerallu naalakkersuisunit akisussaaffigineqanngimmat nakkutigineqarani. Taamaattumik Naalakkersuisunit ilisimaneqarpa Kommuunit akisussaasut piginnittuusullu killiffik pillugu qanoq isummernersut?**
 - a) suna patsisigalugu tamaanga killittoqarnerseq kommuunit qanoq isumaqarpat?**
- 2. Naalakkersuisoq kommuunit peqatigalugit iliuusissanik ujartuivoq, ima paasissavarput kommuunit oqartusaaffitsik artulersimammassuk Naalakkersuisunit akuliuttoqartoq?**
 - a) taamaassimappat, atuarfiit oqartussaaffigineqarneri qitiusumut utertinniarneqarnerlutik?**
 - b) Taamaassimangippat, ungasinnerusumut isigaluni killiffik tikinneqaqqissanngippat tamanna qanoq qulakkeerniarneqarpat?**
- 3. Naalakkersuisup akissuteqaataani atuarneqarsinnaavoq kommuunit peqatigalugit nakkutilliinerat ileqquilu iliuuseqarfiginiarneqartut, ima paasissavarput, kommuunit akisusaaffigisartik naammassinnaangimmassuk “arsaarneqalersut”?**
 - a. Taamaattoqarpat, kommuunit arsaarneqarnissartik qanoq isummerfigaat?**
 - b) Taamaattoqanngippat, naalakkersuinikkut akuliuttariaqalerneq qanoq paasineqassava?**
- 4. Naqinnernik ilisarinnissinnaangitsut allat assigalugit pisinnaatitaaffeqarput, taamaattoq ilinniartitsisoqarnikkut immikkut pisariaqartitsinerat aatsaat ukiorpaaluit qaangiuppata matussuserneqarsinnaalluni. Ilinniarfissuup immikkut atuartitsinermi ingerlatariligaasa saniatigut immikkut aaqqissuussinissamik suliniuteqartoqarniarpa?**
 - a) Taamaattoqarsimappat, qanoq pilersaarusiortoqarpat?**

b) Taamaattoqarsimanngippat, sooq sukkanerusumik aaqqiissuteqarnissaq ujartorneqanngila?

5. Naalackersuisut akissuteqaataani atuarneqarsinnaavoq: Misiliutitut suliniutinik aallarnisaasoqarsimagaluartoq, sulialli aallartilaarnerini paasinarsisimavoq pilersaarutit ilaasa pingaarnertaat, aningaasatigut sinaakktissatigullu pilersinnissaat piviusorsior-tuunngitsut. Aningaasat qanoq annertutigisut pineqaramik?

a) Sinaakktit piviusorsiunngitsut suuppat?

(Inatsisartuni ilaasortaq Suka K.Frederiksen, Siumut)

Tungavilersuut:

Naqinnernik ilisarinnissinnaanngitsut pillugit akisussaaffik, meeqqat atuarfiat ilanngullugu piginnittuunerlu kommuuniniitoq Naalackersuisut akissuteqaataani atuarneqarsinnaavoq, taamaakkaluartoq takusinnaavarput Naalackersuisut aquut maanna tigummigaat, tamanna nas-suiarneqarnissaa kissaatigalugu apeqquteqarpunga.

Kissaatigaara apeqquteqaatima ullut qulit suliffiusut qaangiutsinnagit akineqarnissaat.